

յայտնապես գիտեն գաւառակիցք ևոցա եւ այլ մարդիկ աշխարհին Յայոց, թէ ո՛րպիսի մարդիկ են, լի ամենայն աղտեղութեամբք, սուտք, անպիտանք, աղտեղագործք, գաղտաշուրջք, գողք, լեռնախոյսք², գերեզմանակրկիտք, խաբէբայք. եւ ընդ որս կրսեր շինականք մարդիկ աշխարհին Յայոց հաց գարշէին ուտել ընդ նոսա, եւ կամ բնաւ ի մաւտ իսկ երթալ առ նոսա, զի մի՛ պղծիցին գուցէ ըստ հրամանի աւրինաց մերոց՝ գային ի ձէնջ խաբէութեամբ զձեր աւրենսդ ունէին, եւ ըստ կամի աղտեղեալ զկրակն՝ զձեզ առ անմիտս ունէին:

19 «Յաղագս որոյ համարձակապես ձայնիւ բարբառով առաջի ձեր ասեմ այսար. ի բա՛ց բարձէք զխաբէութեան զվաճառդ զայդ յաշխարհէն Յայոց, զոր չունիմք առ արդարս, եւ չպատուէ ոք իբրեւ³ Աստուած: 20 Այլ յետինն զառաջինն, վատքն զլաւն, եւ անպիտանն զպիտանին, եւ որդի ստամբակ զհայր, եւ ծառայ չարագործ զտեր իւր, յորժամ ի յետս տանել (կամի) կամ կորուսանել⁴՝ զձեր սուտ⁵ աւրենսդ ի ձեռն առեալ՝ զամենայն չարիս զոր եւ կամի գործել՝ դովաւ վճարէ: 21 Բայց ա՛ղէ, դուք ի մէնջ որպէս ի ծառայից զձեր տերանց զպատինն ինդրեցէ՛ք⁶, զգործ եւ զվաստակ եւ զհպատակութիւն, զաւգուտ, զարդարմտութիւն, եւ աստուածաբար անզրկող⁷ մտաւք զիւրաբանչիւր մարդոյ ըստ իւրաբանչիւր վաստակոյ զարժանն հատուցէ՛ք: 22 Մեր ամենեցուն այդ բանք են եւ այդ ինդիր. եթէ շնորհեալ հաստատեք⁸ զինդիրդ զայդ մեզ, եւ ի ծառայութենէ ձերմէ զմեզ ի բաց չկամիք հանել՝ որպէս աւրենքն են թագաւորաց՝ գրով եւ կնքով զայդ մեզ հաստատուն արարեք, եւ ի մէնջ որպէս ի ծառայ որերոյ գործ ինդրեցէք եւ հպատակութիւն. եւ ձեր մտացի եւ ամենահայեաց ակամբ հայեցարո՛ւք յայր եւ ի գործ նորուն եւ հատուցէ՛ք զարժանն»:

23 Եւ խաւսեցեալ զայս ամենայն բանս Մամիկոնենին Վահանայ առաջի թագաւորին Վաղարշու եւ առաջի ամենայն աւագանոյ դրանն՝ եւ բարձր ձայնիւ զովեցին ամենեքեան⁹ եւ առ լաւս կալան, զարմացեալ ամենեքեան ընդ իմաստութիւնն Մամիկոնենին եւ ընդ շնորհ աջողութեանն բանիցն որ ելանէին ի բերանոյ նորա: 24 Զանզի ոչ միայն հաւատացելոցն, այլ եւ անհա-

1 Ատ. մարդիկք... մարդիկք

2 ՏՏ. լեռնախոյսք

3 Թերեւս՝ եւ չպատուեմք իբրեւ

4 ՁՏՏ. ի յետս տանել կամ կորուսանել

5 ՏՏ. եւ զձեր սուտ

6 ԲԳտ. ինդրէ՛ք

7 Ձ. եւ անզրկող

8 ՏՏ. հաստատեալ

9 Ձ. ամենեքին